



A

皇明鳳翔卷之三十二

七言律詩四十七首

古劍次韻

李東陽

望斗樓空紫氣高
古來神物待人豪
化龍浪說歸閩水
斬馬誰能借漢曹
海內書生輕學武
山中良冶半為陶
千金不買公孫舞
猶恐書成換鬢毛

送秦武昌廷韶

鳳凰臺上題詩去
鸚鵡洲前建節行
萬里山川佳麗地
六年江漢別離情
悠悠曉夢塵隨馬
漠漠春寒雨帶城
好種甘棠三百樹
他時留詠漢公卿

寄彭民望

斫地哀歌興未闌歸來長鋏尚須彈秋風布褐衣猶
短夜雨江湖夢亦寒木葉下時驚歲晚人情閱盡是
交難長安旅食淹留地慙愧先生自宿盤

送蔡民懌訓導泰和

十年三度試春闈親見聲名滿帝畿甲第久慙唐李
邵奇才終誤宋劉幾功名歲晚非蓬鬢湖海官貧尚
布衣試看孤鷹下林薄壯心還似碧天飛

鍾御史同追挽詩

少海驚波竟隕身豸冠曾觸怒龍鱗生無楮色居臺

省死有卅心質鬼神五夜虞淵終見日百年宰木蕭
回春南宮慙老英靈在地下惟應兩故人

讀虞邵菴詩

少陵門下多蹊徑五百年來見幾人久矣不聞空谷
響時裁羞效捧心顰真仙混世元無迹老將藏鋒却
有神擬抱朱絃携白鶴青城山下看嶙峋

讀劉靜修詩

百年四海一容城是處雲山著脚行觀物毋從真意
得感時翻覺壯心驚高松絕島凌秋勢獨鶴空江警
夜聲多少中原詞賦手盡將絲竹奏升平

次韻答方石先生

兩函恩命一年并林下依然識聖情
白髮有身應許國青山無馳可逃名
心同隱逸官何累世重師儒道
亦榮行路總難休漫道幾時欹側幾時平

錢塘懷古

謝鐸

中原蕪地避腥羶誰向天津問杜鵑
司馬不回元祐政困龍何待靖康年
多方誤國終浮海萬死孤臣忍戴天
應是匡山九泉下共將清淚泣澶淵

沛縣懷古次李西涯韻

赤龍飛上泗亭濱百二山河一騎塵
天下未能忘六

國關中先已踏三秦故鄉湯沐息殊數
父老酣歌幾巡一代規模真漢業繼周千載復何人

新春感事

倪岳

烽火邊城鼓角悲黃沙漠漠北風吹
關山遠隔雲中戍車馬新屯霸上師
賈誼有才思報國杜陵多病為憂時
侍臣誰有如椽筆擬撰燕然第二碑

匡山大忠祠

陸鈇

英雄無地力難支風雨蛟龍窟屢移
萬死尚提孤旅在五平空繫寸心悲
翠華搖落修危日大學從容勸講時
千古程嬰有餘恨晚來無柰颶風吹

同題

王臣

人間惡鳥栖金屋海上樓船駕颶風國破忠臣惟有
死天一卷土亦無功英雄俛仰成遺恨元氣分明託
數公千古翔龍何處是精魂依舊繞行宮

過厓山

陳獻章

天王舟楫浮南海大將旌旗仆北風世亂英雄終死
國時來胡虜亦成功身為左衽皆劉裕志復中原有
謝公人衆勝天非一日西湖雲掩鄂王宮

吳門

張泰

萬井烟花繞故都闔閭宮苑自荒蕪江魂吼浪空

越山黛顰秋已破吳臺下草深無過鹿城頭月落有
啼烏英雄老去年華在海口瞳瞳水滿湖

先月樓

十二闌干俯碧流晚涼高處易驚秋一輪皓魄初離
海萬頃清光已上樓玉笛叫雲星彩沒金樽酌露桂
香浮水晶簾外天濶度定有仙人跨鶴游

元旦賦

天上寒星斂曙鐘海隅佳氣溢晴空東華湧出瞳矐
日南極吹來長養風丹鳳曆端觀夏正瑤華枝上見
春工體元天子調元相管領民歸玉燭中

冬夜懷書儀

朔風吹老塞南秋色將寒入醉裘
霜滿樓遙憶榜頭只恐子枕書方且夢伊周
劍江湖離思一孤舟禁城鐘定星垂閣醉筆詩成月

結句甚
出方得
妙更

和蕭文明給事元日早朝及宿憲之慶成宴上

二首

程敏政

綵鞭聲裏曙鴉稀劍珮森森拱太微日射御林明繡
袞雲回鑾輅見青旂鴻臚立仗傳三呼馬監隨班整
六飛曾記昔年叨侍從起居長許近皇闈
門宴分行首從官內前隨例奉宸歡衣聯錦獸晴徧

見漏咽銅龍午未乾羽戚兩階成化久風雲千載際
時難桂坊敢負平生操漢策分明戒史冊

和奚元啓病中韻

倪輔

小巷柴門竟日關舊巢新燕自知還甘貧原憲初非
病垂老馮唐未是閒鷓鴣聲中思故里薔薇花底憶
東山詩盟酒伴春來好且放青銅鏡裡顏

送西涯先生

吳寬

京華旅會變風霜天上空瞻白玉堂短刺未曾通姓
字大篇時復見文章神游汗漫瀛洲遠春夢依稀玉
樹長忽報先生有行色詩成獨立到斜陽

厓山大忠祠四首

休指厓山弔戰場忠魂早已過錢塘三仁可少文丞相一死如前李侍郎毒霧漲天橫沴氣落星浮海散寒芒孤墳久矣無坏土清廟依然有瓣香

颶母誰懷國是憂回看夜壑已無舟山河滿地皆戎馬潮汐常時自海鮪空使讖書符四廣不教宗社復東周孱兵到此誰非死名姓悠悠惜未收

獨上高丘望大洋晚風吹泪濕衣裳何人忍耻修降表當日臨危進講章海島全身惟叛相潭州無事却勤王史家未識留燕意便把祥興繫宋亡

厲階千古恨金戮力終成國步侵鼎足一時撐海角旄頭中夜到天心間關豺虎魂空返寂寞魚龍骨共沉臣節屢書猶不盡欲將遺事託碑陰

謁于少保祠

呂憲

睿帝當年北狩時犬羊深入勢相持國門一振殲胡礮群議方停幸蜀旗首戴覆盆光莫照吏嗟刻木對何辭九原武穆相逢處異代英雄作故知

登太牢山絕頂

莫駘

星輶飛度太牢巔景物全收杖屨前岱嶽西來嵐作雨蓬萊東去海吞天紫芝香散清風嶺金液寒分玉

洞泉道士莫誇仙境好前身我亦是神仙

酌酒與裴迪

楊時秀

舵船一掉覺懷寬人世浮沉海上瀾不識黃金培世
路儘教華髮誤儒冠夜間庭戶風生籟春盡江城雨
送寒留取百年青眼在尊前花下共加餐

早朝大明宮

待漏金門覺夜長九霄烟月樹蒼蒼明廬散直三千
士華袞朝回十二章花氣欲浮仙仗馬天風時引御
爐香自慚隨例趨朝者一職還思補聖王

與蕭給事文明宿惠山

施廉

拜命朝看出帝都蒼茫即日越長途百年眼底誰豪
傑萬古人問此知夫領海風霜臣節苦蠻江烟浪客
舟孤悠悠往事何須問天際浮雲任有無

讀文天祥傳

魏復

宋社將終可奈何提兵嶺海竟蹉跎太阿誤授奸謀
柄砥柱難迴逝水波自信楚囚心似鐵任教燕獄鬣
俱瞞從容了却君臣義千古孤忠耿不磨

潞河感興

范兆祥

帝子朝辭五鳳樓官寮宵上潞河舟青霄有夢市朝
隔白髮無憑湖海憂南去逐臣誰見召西征諸將未

封侯早知神物真龍躍不放虹光射斗牛

和荅豐厓同年

吳天佑

勞生會晤豈易得別十五年方一來故人幾人道相
合今夕何夕樽同開感君情深愈於舊使我樂極翻
成哀天空月明耿長夜梧葉蕭蕭飛露臺

大房金源諸陵二首

儲燿

奉先西下亂山侵澗道迴旋入暮林翁仲半存行殿
跡莓苔盡蝕古碑陰秋山春水風流遠大定明昌德
澤深却是宣和解亡國空廬黃屋恐非心

長白山高朔漠連金源風致故依然千秋魂魄猶思
沛萬里丘陵却到燕感事重翻江統疏傷心莫問靖
康年幽蘭一燼雄圖歎汝水悠悠心入墓田

雪後市橋步月

徐禎卿

川容搖蕩石梁明頌畧閑宵此款行殘雪不藏新月
色踈烟自度遠鐘聲寒燈歷歷初收市野柝荒荒欲
閉城醉面不知霜併下忽驚馬歸路弊裘輕

遺齋

寬博衣裳首藉盤十年塵暗竹皮冠周公已去無三
擇范叔相逢有一寒墻用短檠向我棄壁間長缺向
誰彈草萊銷盡英雄氣北斗橫斜拄頰看

赴郊觀宿

李夢陽

城邊水色淨春茅苑外鶯啼拂露梢萬戶煙花臨複
道九天宮殿鎖南郊霓旌夜發清溪繞綵仗晨飛碧
樹交身到釣天潭不解坐聞仙樂下雲旂

喜雨命酌

毒執元元滯梁城不眠聽雨到天明沙田易涸應全
賴稂莠雖鋤却更生年稔不須防盜賊家貧無得免
經營紛披檻竹迎余笑遮莫尊醪起自傾

靈武臺

環縣城邊靈武臺肅宗曾此辟蒿萊二儀高下皇輿

建三極西南玉壘來衣白山人經國計朔方孤將出
群才可憐一代風雲際不勸君王駕鶴迴

寄黔國公

何景明

萬里山川開百粵十年戎馬暗三巴伏波銅柱衝炎
寨橫海樓船出瘴沙鴻鴈不傳天北字瓊瑤空憶日
南華飄飄奉使金門客目斷銀河八月槎

奉寄泉山先生

北戰南征兵未休我師高卧只林丘蒼生尚繫裴公
望白髮寧忘范老憂江上弋人徒慕鴈海邊漁父不
驚鷗冥冥蘿月三山外獨倚京華萬里樓

立春

楚客年華悲塞國帝京春色念江潭香迎苑雪梅先
放翠入宮烟柳乍含行在旌旗猶駐北朝正冠冕自
通南青山起策青藜杖白髮羞看白玉簪

寄康子

十年朋輩飄零盡海內兵戈戰鬪餘花劇秦川誰見
汝鴈稀燕北渺愁予碧山擬著潛夫論丹壁應藏太
史書自嘆此身今更出風塵空望白雲居

秋日感懷二首

高樓一上思堪哀水盡山空鴈獨迴萬里關河迷北

望無邊風雨入秋來故人尺素年年隔薄暮清砧處
處催徒有寒尊對花發病懷愁絕共誰開

憶在京華近侍年五更清佩入朝天鳳凰池接夔龍
會闔闔樓閣日月懸南國自通滄海貢胡座不動玉
門烟只今病卧遙迴首夜夜清光北斗邊

皇明風雅卷之三十二

皇明風雅卷之三十三

七言排律八首

次韻和劉彥箕憶山中篇

劉基

句曲峰高倚太陽，不風巖谷自清涼。四時嵐彩霏瓊雪，百道泉流湛玉霜。雅稱采芝追綺季，尤宜散髮學嵇康。龍鱗璀璨錯松當，徑鳳尾樵樵竹過墻。月上海門蟾早覺，露寒天宇鶴先嘗。仙人卓劍降魑魅，道士書符禁獮狂。寶氣丹光生夜寂，黃精白朮引年長。茅君虎卧瑤壇上，蕭史鸞棲碧殿旁。桂樹寒山違謝客，桃花流水憶劉郎。猿猱任占青蘿帳，薜荔從生綠石床。

世難有身空自累詩成無鴈倩誰將欲憑錦瑟傳幽
思才理朱絃意已忘

和劉先輩憶山中韻

宋濂

憶昔山中鍊九陽山頭旭日正蒼涼鳳笙吹煖雲中
火龍藥凝成鼎內霜靈戶啓高森虎禦中房持戟混
桃康山分秋色侵玄壑蝸學天書篆敗墻五鳥花開
呼鹿守千齡桃熟透仙嘗伐毛定欲追秦女歌鳳誰
能咲楚狂種得神瓜如葢大養來瘦鶴似人長樓延
虛顯殊庭上樹蝕蒼霞曲瀨傍劍氣尚堪吞鬼伯詩
魂端合起糴郎但求脫粟三升飯肯賦眠雲六尺床
洞雪成漿烹日鑄海苔為紙寫凡將舉頭便覺三山
近小大俱冥百慮忘

具慶堂為孫指揮繼宗作

曹鼎

名門積德百餘年堂上雙親雪滿顛曉日恩光雙闕
下春風甲第五雲邊金貂玉帶恩榮重雲翟珠冠福
壽全栢樹綠連瓊島秀萱花紅照綵衣鮮笙歌迭奏
長生曲龜鶴同延不老仙賜出御醪金作甕騎來官
馬錦為韉華堂勝日蟠桃宴細柳春城蠟炬烟敢恃
簪纓聯戚畹只將忠孝格皇天退朝每奉三牲養持
志常懷一寸堅麟閣丹青昭萬古芳名肯讓昔人賢

酬牛廷理八韻

張寧

文韜武畧擅時英親奉除書下玉京黃閣才華新黼
黻錦衣人物舊簪纓登壇虎衛承恩早射策龍門錫
命榮兩浙風塵行處息九重日月望中明雄驅欲問
雲中虜保障偏臨海上城橫槊吟成朝戲馬運籌竒
出夜談兵回天空有潼關夢報主無由朔漠行欲向
轅門歌吉甫願陳威德濟蒼生

送楊承芳太守六韻

關西清白舊相傳政事文章繼兩全仕路風塵將白
首客懷冰蘖尚青氈氣凌華岳群峰下志薄秦關百
戰前秋水月明霜滿地春風凍解日行天誰家隴畝
無桑穀到處民居有誦絃老我病歸思借寇重来未
卜意蕭然

送劉時雍都憲治水八韻

龍門一滴漏滄洲不是茫茫遍九州尺水也須仍禹
跡萬幾應復動堯憂東南岳鎮歸良弼西北關津備
上游總為皋夔諧德讓遠移方召應旁求堤平瓠子
歌尋歇潮落錢塘射早休謾負東薪沉璧馬空將生
鐵鑄犀牛星源信是從天下野漫終當入海流見說
澄清當此日太平須用濟川舟

徐州新洪詩

李東陽

徐州洪舊名百步洪水峻石險自古為然
工部主事郭昇騰霄鑿石平岸厥功告成
請以是詩刻之金石

山根忽斷水橫來誰見當時禹鑿開此地獨當南北
險濟川多難古今哀叢叢怒石迎船起拍拍驚濤打
岸迴纜卒不眠愁上下篙師無力正摧頽千年鬼斧
遺天巧百里山靈伏禍胎已仗中朝天子命兼煩東
省使君才沙沉鐵鎖蛟龍避霧散雷車晝夜催直到
中流無齟齬却看高浪失崔嵬寒泉出壑入爭引雷

柳邊河手自栽賈客不須虞履溺嗚犬終免卧蒿萊
岩收傳築功難繼海著秦鞭事可猜莫置豐碑芳草
處恐教文字沒蒼苔

題青巖隱居記後

青巖者王忠文公子允文讀書之所也公為
翰林待制死事雲南後其子其曾孫汶
舉進士持青巖圖示予公所為記義門鄭
長史楷所書公伯子綬之詩與仲子紳之
文皆在焉

青巖西面接嶙峋聞道先生舊隱淪二水夾流通澗

谷兩山高起隔風塵唐川地古猶稱越元世兵餘合
避秦豎似羊曇非乞舅居緣孟母不求鄰長懷龍卧
歌梁父豈學羊裘老富春書詔早傳行在所衣冠生
及太平辰紀言右史親活命仗節南荒竟委身白髮
鄭公鄉里在青氊王氏子孫貧家聲六代科名出國
典先朝謚法新今日醉鄉還有記當時嵩嶽豈無神
曾披汗竹開金匱擬束生芻豢玉人遺像雅篇俱在
眼丰山瞻望敢辭頻

皇明風雅卷之三十三

皇明風雅卷之三十四

五言絕句六十六首

懊懷歌

劉基

白鷺養鷄時夜夜啼達曙如何羽翼成各自東西去
昨夜霜風起入戶復吹帷兒啼母心酸母愁兒不知

玉階怨

長門燈下泪滴作玉階苔年年傍春雨一上苑墻來

秋思二首

梧桐生碧砌密葉暗金井驚心昨夜月照見棲禽影
蕙草芳已歇候蟲寒不鳴相知惟白髮日夜滿頭生

長門怨

白露下玉除風清月如練坐看池上螢飛入昭陽殿

琅琊王歌

駿馬洵好鞍彊弓洵勁箭將軍不知兵健兒空自健

閨情

戎馬關山隔空閨鬢髮華將何寄消息江樹總無花

閨詞

剔却燈花並從教汚翠鈿幾回虛報喜誤妾不成眠

題亭上壁

宋濂

意隨流水行却向青山生因見落花空方悟春歸去

吳鉤行

高啓

吳鉤若霜雪吳人重遊俠尊前含笑看上有仇家血

阿那瓌

牛羊草漫野大帳天山下十萬控弦兒聞箏齊上馬

照鏡詞

君家青銅鏡價重比黃金空持照人面不持照人心

宛轉行

宛轉復宛轉宛轉日幾迴君腸轆轤斷我腸車輪摧

團扇郎

團扇團且潔人言似明月明月豈得如長圓不啻日缺

寄衣曲

賜袍非不暖妾製稱郎身寄去龍堆遠端愁到已春

別呂隱君

孤舟晚溪口欲去重回首不忍別青山况此山中友

赴京道中逢還鄉友

我去君却歸相逢立途次欲寄故鄉言先詢上京事

觀軍裝二詠

刀

大會購千金妖精泣太陰燈前開匣看無限許君心

袍

雕錦剪花園三邊總認看尋常不肯着風雪念兵寒

要離墓

弱夫殺壯士誰敢嬰餘怒今日古城邊耕人肆侵墓

飛來峰

風吹蛾眉雲來依此山住我來不敢登只恐還飛去

西園梨花唯開一枝

孤芳不滿柯蜂蝶未經過莫怨春情薄開多落也多

陌上桑

楊基

青青陌上桑葉葉帶春雨已有催絲人咄咄桑下語

花開

花開醉不休花謝莫深愁縱使花常在東風也白頭
壺中二色桃花

素頰映紅腮西園共折來憐渠竟先落知是最先開
瓶中插梨杏桃李四花有詠

各白媚春光輕紅映淺粧日融花氣暖忘却是誰香
彈琴高士

江靜月在水山空秋滿亭自彈還自罷初不要人聽
扇上畫

別夢蘋花外歸心燕子前齊王不好瑟塵土滿朱纒
刺客三詠

七首

狄帝聶政魂寒漬荆刺血報讐言燕報恩刺人還自殺
筑

朝擊燕秦聲暮擊皆死曲誰知腹中鉛矐却壯士目
椎

公子終救趙留侯徒中車平生萬金客不及北橋書
五丈石

落星長百尺風雨忽中斷至今雷火焦突兀猶存半
照湖鏡

團團山中石下照太湖影如何一鑑中三萬六千頃

夢歸

夢歸片時權夢覺終夜惡欲起就殘燈鼠搖寒燼落
逢故奴二首

出門逢故奴倉卒塵中拜不暇相隨行街頭捧衣賣
出門逢故奴怪我顏色槁茲事何足驚別離容易老
胡騎圖二首

張羽

弓劍隨身帶關支細馬馱天寒水草遠更過白狼河
陣火照紅雲龍廷戰未分金堯上馬去應避李將軍

觀魏武本紀

促路蜉蝣短雄心日月長玉牀飄緜帳徒自戀餘香

仲穆看色蘭

鸞輿去不返風雨湘江曲芳草獨無情還如裙帶綠

塞上曲

徐賁

十五見天子十八領邊兵曾將一羽箭贏得射鷗名

采蓮曲

采蓮莫采多采多莖傷手手傷有時好傷我池中藕

青青水中蒲

青青水中蒲織作團團扇不肯贈傍人自掩春風面

次張仲舉祭酒詠花

張以寧

槐花

黃露結青枝風吹散秋雪憶昨馬蹄忙壯年心未徹
木槿花

朝昏看開落一笑小窓中別種蟠桃樹千年一度紅
赤烏碑

碑存赤烏年僧指青燈夜風雨寒蕭蕭黃旗儼來下
淵明把酒圖為居士遵誼題

解官賦歸田把菊秋風前顧問劉寄奴何如博延年
七夕

乞與人間功都憑此夜秋如何針線月容易下西樓
白頭翁

踈蔓短於蓬卑棲怯晚風祗綠頭白早無處入芳叢

贈孫炎

汪廣洋

建業孫公子文如李謫仙江頭看明月醉枕酒併眠

江上

昔從江上去今從江上還家僮笑相語又過小孤山

閨思

錢遜

望斷傷春眼湘簾懶上鈎落花深院靜鸚鵡對人愁
墨菊

藍靜之

晚節黃金盡霜枝淡墨新東籬日昏黑不見白衣人

初夏即事

劉渙

野色滿庭戶晝涼清景佳一雙白練帶飛上石榴花
偶成

雪色西蕃馬臨流顧影嘶似嫌金絡重蹴碎落花泥
春日漫興

莫道梨花瘦楊花更可惜隨風消雨恨總在客窓前
烟波亭
吳琳

漢水連天闊江雲護曉寒青青山數點最好倚闌看
昭君
劉崧

承詔辭金闕銜悲入塞城可憐沙上月渾似漢宮明
無題二首
袁凱

門外青青草今年更覺深前時玉釵墮侍婢不能尋
海內雖無事朝中有諫書大家猶未省不敢候羊車
新水

柳外朝朝雨平添過舊痕往時桃葉渡今日更消魂
題竹
任亨泰

勁節含香籜高標近碧霄呼童掃飛葉拾得鳳凰毛
題翠竹
許繼

鳴鳳去已遠湘江春自流鷓鴣烟雨暮翠袖不勝愁
江行
管訥

野樹微茫裏江流浩蕩間舵樓烟雨重不見九華山

鄱陽阻風

鄧伯言

廬阜千岩雪鄱陽萬里風驚看白頭浪愁殺白頭翁

皇明風雅卷之三十四

皇明風雅卷之三十五

五言絕句五十四首

結客行

劉績

結客千金盡酌恩一劍存羞為狗盜伍不傍孟嘗門

征夫詞

征夫語征婦死生不可知欲慰泉下魂但視柩中兒

征婦詞

征婦語征夫有身當徇國君為塞下土妾作山頭石

鬪腰吟

草根鬪腰骨月照白如銀莫使妖狐戴成精來媚人

阿那瓌

夜雪沒羶城聞箠三兩聲漫山是獵火照着漢家營

古築城詞

朝築防虜城暮築防虜城壯丁皆餓死官田何人耕

雙行纏二首

色絲將文羅持作雙行纏繫儂白玉脰步步作春妍
綉纏合歡帶足底生蓮花自踏君門戶更不由狹斜

竹西渡

渡口秋水深芙蓉尚堪采聞郎竹西去倚着蘭舟待

石家池

暮行石池上水淺蒲葉長不見池上人白鷗自來往

草阜坳

東坳春草長西坳白日晚獨有坳中兒牧牛知近遠

即事

十五學樛蒲非盧道是盧媚人教勿語密地與青蚨

自題詩本

幼小工刺繡極知針綫難祗緣花樣古不耐入時看

江邊柳

胡虛白

朝送木蘭船暮迎征馬鞭非關離別苦生長在江邊

關山月

萬里關山月東西共一天遙憐馬上見不是在家圓
轆轤吟

一轉一回腸再轉腸應斷不愁井水深只恐郎恩短
刺促詞

刺促復刺促刺促向誰道青青高山樹不如墻下草
留別鏡湖諸友

張一民

未別先已懷別後當如何留將三五字情至即高歌
婕妤怨

王誼

玉簫夜涼新秋蛾暗裏顰如何天上月獨照掌中人
題畫草木竒峰

王景彰

蒼虬飛上天鱗鬣墮深麓長風吹不起散作千山綠
巴陽夜泊

施教

獨棹三巴夜秋高片月孤灘聲將客夢萬里下東吳
幼女詞

鄭嘉

下林着新衣初學小姑拜低眉羞見人雙手結裙帶
送劉逸人還中山

王恭

落日鷓鴣鳴遙村獨送行峰回看不見望望有餘情
聞漁笛

漁人將楚竹吹向月明中莫唱梁州曲金河有斷鴻
鷓鴣

綠樹殘春外
雙飛錦翼齊
長沙有遷客
莫向雨中啼
草色

拂拂度林坳
霏霏上野亭
王孫歸未得
空向雨中青
落

要路何曾着
閑門積漸多
五陵松柏外
隨雨上盤陀
陳滄洲遊方廣岩不果行

聞說乘溪櫂
尋源過水西
如何雨花處
欲往路先迷
送老兵還鄉

解劍辭邊將
蕭條白髮新
無家也歸去
勝作異鄉塵
初秋尋烏石蘭若

不到禪扉久
靈花又早秋
白雲飛欲去
還被遠公留

早朝

解纜

驄馬五更寒
皮衣已繡鞍
東華天未曉
明月滿闌干

夜發清江口

楊士奇

日落州水寒
解纜清江渚
中夜北風來
相送潭州去
夾溝遇邑人問家信

聞道故鄉來
辭家今遠近
恐有南京書
停舟試相問
飲牛潭

王備

洗耳在潭下
飲牛在潭上
白鷺飛復來
烟中立相向
昭君怨

黃淮

胡風號永夕寒月照穹廡
蓋多哀聞天語褰衣下玉除

白髮

吳溥

鬢髮今全白應無再黑時
晴窓縮新沐拾得幾莖絲

商婦怨

李時勉

百歲以相期安知有別離
去時兒在腹今已長過眉

雜詩

幾年種桃李日望成大樹
結實未堪嘗爭來摘將去

山居

劉球

水抱孤村遠山通一徑斜
不知深樹裏還住幾人家

芙蓉

蔣主忠

清露下
如光中有弄珠人
盈盈隔秋水

寒食長安道中詩

張楫

寒食長安道中詩
不似心看花飲空負洛陽人

遊園好

辭輦言猶
稔懽樂飛燕繞龍輿

洛陽道中

洛陽大道上
客駐而烏上文
倚佩珂

魏宮詞

乍啟金魚鑰
間登銅雀臺
新懽猶未

同諸公有懷

少日辭鄉井衰年尚國門時從杯酒重
塞下曲

風急陣雲高胡人不敢逃當圍縛首虜來試鷓鴣刀
漢宮曲

日暮上簾鉤春花壓翠樓忽聞宣召急羅帕掩塵埃
金陵懷古

落日滄江雨東風廢苑春莫言三國士猶勝六朝臣
江南曲

忽得三巴信郎君未有期只緣風水險不是薄情兒
新荷

陳端

荷葉何田田出水大如錢但得根成藕何愁不見蓮
題畫

童軒

家住清溪口門掩清溪樹溪上多白雲幽人自來去
折枝梅

鎰師邵

折取江南花欲寄江北去路遠不逢人馨香手中故
富林春曉

陸潤玉

旭日始啓旦鳥聲出烟蘿草堂檢春事花落風擔多
谿橋曉市

石梁雙跨谿虹影倒涵水斜月未墮烟烟中市聲起
皇明風雅卷之三十五

皇明風雅卷之三十六

五言絕句五十五首

黃竹子歌

張寧

儂從江上來娘向江陰去黃竹筭成竿不見娘歸處

江陵女

白苧裁娘衫茜練作娘裙情隨吳江水夢阻越山雲

莫愁樂

金雀玉搔頭生來喚莫愁自從懽去後不出石城遊

紅梅

似杏色尚淺比桃香自濃能存舊時節莫問舊時容

雜詠

斜日照江亭風高水滿汀潮來魚正上誰肯解魚罾

棄瓢圖

遜位峻相絕棄瓢焉足云獨憐堯舜日危行已如君

釣魚圖

風雨濕蓑衣求魚晚不歸此心先有待何必說忘機

花鳥小畫

歲垂枝上花宛恋枝頭鳥花與鳥無情鳥自憐花好

嚴灘圖

物色既堪見相逢無所言高風已千古微意竟誰論

為姚公綬題飛白竹

不是乘春綠終無變節黃惟應清白操歲晚映冰霜

題梅

江北一枝少江南千樹栽當時耐寒物今在暖鄉開

明妃曲

塞雪凋宮鬢胡霜裂漢裙畫工雖可恨不似奉春君

丘濬

洗竹二首

陳獻章

洗竹洗荒枝洗心洗狂馳老夫無可洗抱膝洗吾詩

一洗一回踈相將洗到無客來莫問我此壁有團蒲

楊白花

張璪

輕盈楊白花風吹渡江去金屋閉重重莫鎖楊花住

婕妤春怨

太液柳垂絲昭陽花滿枝如何長信草獨是見春遲

金井怨

照井怨憔悴顧影莫垂泪猶勝張麗華倉皇井中墜

飛花

高壁

風雨送春歸園林花亂飛花飛不足惜祇惜減容輝

雲林書屋

漠漠山中雲藹藹雲中樹不聞絃誦聲那知有人住

春草宮

宮花已寂寞宮柳亦凋零惟有宮前草春來依舊青

昭君曲

奉詔事和親從容出禁宸緣知平國難猶勝奉君身

古意二首

張弼

桔槔如離腸輾轉千萬轉只見山高低不見路近遠

離腸如桔槔輾轉千萬遭桔槔有時歇離腸常白勞

海子

李東陽

海子西入城中與龍池連高樓沙口望正見打魚船

響聞

春濤夜忽至汨汨溪流滿津吏沙上來坐着青草短

慈恩寺

水繞湖邊樹花垂石上藤長來寺前坐不識寺前僧

楊柳灣

沙崩樹根出細路縈如棧垂柳隔踈簾人家住西岸

鐘鼓樓

月黑行人斷高樓鐘漏稀城中聞夜警邏吏不曾歸

桔槔亭

野樹桔槔懸孤亭夕照邊間行看流水隨意滿平田

官柳

官柳何青青低垂覆江岸日暮無人行風吹幾枝斷

雜畫

入谷聽幽泉依稀隔雲注欲觀泉出時須向雲深處

吉安府

山勢西來斷江流北去平萬家深樹裏聞是吉州城

西湖曲

湖波綠如剪美人照青眼一夜愁正深春風為吹淺

見月

月色四千里我行三見之此回重見月是我到家時

苔

豈不愛佳客客來殘我苔西園十日雨三徑不曾開

昭君怨

謝鐸

畫史君王恨琵琶賤妾悲誰憐青塚夜不及白登時
慈恩寺

古寺何年有鐘聲薄翠華城中寸金地香火半人家

月嶺

嶺頭初出月嶺下未歸人莫恠市朝路紛然車馬塵

桃溪

淺水難容棹繁花白作村分明幽絕地不是武陵源

金字牌

未飲黃龍府先悲金字牌英雄恨不滅血淚滿長淮

照鏡

張泰

十年不照鏡只是少年時試拂青銅看蒼頭爾是誰

落花

春去餘花在青藏幾簇紅自知無主惜落盡不因風

和荅人

朱祚

紫禁紅雲遠朱門畫戟寒欲投懷裏刺堪笑字皆漫

重山

林俊

野水閑雲外蒼藤古木深流來有花片路斷亦難尋

老子出關圖

張琦

道大無傳受騎牛西出關剛留五千字遺智滿人間

海棠

微紅初上頰便覺春多夢窗外有人無鳥踏花枝動

松鼠盜粟

數畝山中粟貧家作大奴今年程鼠耗已缺半年秋

息夫人

楊時秀

自誓非初誓新恩即舊恩移天不能死此外復何言

少年行

走馬章臺路飛花逐轡行黃金盡歌舞終是道傍情

園扉中設舊船板為寢榻偶題

李亨陽

此板胡采茲吾身寢其上情知非江湖夢寐亦風浪

古江南曲三首

錢百川

採蓮復採蓮採採不拍手貪摘雙頭花拔斷連理藕

湖南采蓮花湖北採蓮葉回頭見郎來低頭理雙楫

小姑未成人不慣見郎君蕩舟入新荷牽壞紫羅裙

江南樂二首

徐禎卿

還鄉信自樂望近轉於邑阿母見兒歸定自持懷泣

人言江南薄江南信自樂采桑作蚕絲羅綺任懷著

六言絕句一十首

楊氏山莊

高啓

斜陽流水幾里啼鳥空林一家客去詩題柿葉僧來

供養藤花

春景

張宜中

林花紅濕宮錦
岷草綠碾香輪
半世干場是醉
百年幾度逢春

題水墨小景

王恭

白鷗門外孤艇
黃葉山中一瓢
惆悵青雲舊侶
相思不到漁樵

題鄂渚贈別圖
送人歸廬陵二首
楊士奇

鸚鵡江中紅樹
鳳凰城裏青山
借問來遊幾日
秋水蘭舟獨遠

客之黃陂磯畔
家住金魚浦前
心似波間明月
隨處先過螺川

尋張逸人山居

張楷

綠溪五里十里
隔水三家四家
借問先生何處
落花流水桃花

出城二首

李東陽

塞鴈衝寒獨迴
柴門傍暖初開
青到城頭柳色
東風昨夜歸來

洪慈寺裏人醉
主事墳前草生
世路悲歡如此
舊日遊何處忘情

便面小景

綠盡平川渺渺青含遠樹依依芳草草原頭雨過夕陽
江上船歸

題枯木竹石

張泰

拳石半頑半峭老樹欲枯未枯添箇歲寒清節君子
之德不孤

皇明風雅卷之三十一

